

UGOVOR
o nabavci usluga

I UGOVORNE STRANE

KJP ZOI'84 OCS d.o.o.

Sjedište: Alipašina bb, 71000 Sarajevo
Koje zastupa direktor mr. sci Nevres Alispahić
Identifikacijski broj: 4200347000004
(u daljem tekstu: Osiguranik)

i

Sarajevo osiguranje dd Sarajevo

Sjedište: Maršala Tita 29, 71000 Sarajevo
Kojeg zastupa direktor Arif Kulić
Identifikacijski broj: 4200326930001
Identifikacijski broj obveznika PDV-a: 200326930001
Transakcijski broj banke, ime i sjedište banke: 1990490106232022 Sparkasse banka Sarajevo (u daljem tekstu: Osiguravač)

II PREDMET UGOVORA

Član 1.

Predmet ovog Ugovora je pružanje usluga osiguranja motornih vozila i radnih mašina, prema Tenderskoj dokumentaciji za dostavljanje ponuda Osiguranika, broj: 542/19 od 21.02.2019. godine i ponudi Osiguravača broj: 01-1114/19 od 13.03.2019.godine, koji su u prilogu ovog Ugovora i čine njegov sastavni dio.

Član 2.

(1) Police osiguranja izdavaće se sukcesivno u najbližem organizacionom dijelu Osiguravača u Sarajevu u skladu sa danom isteka tekućih polica osiguranja, uz obavezu da se iste dostave na adresu Osiguranika.

(2) Na osnovu ovog Ugovora, za obuhvaćena osiguranja će se izdati odgovarajuća polica koja prati ugovor o osiguranju i mora da sadrži najvažnije elemente zaključenog ugovora: ugovorne strane, osiguranu stvar ili lice, rizik obuhvaćen osiguranjem, trajanje osiguranja i vrijeme pokrića, suma osiguranja, premija osiguranja, datum izdavanja police, potpisi ugovornih strana, kao i druge podatke u skladu sa zakonom.

(3) Osiguravač će za svako osigurano vozilo ispostaviti račun sa navedenom markom/tipom vozila i registarskom oznakom.

(4) Osiguranik zadržava pravo izmjene liste motornih vozila u toku ugovornog perioda u slučaju prodaje postojećih ili kupovine novih vozila.

Član 3.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Osiguranika: Suad Jusić, tel.061/295-568;
- za Osiguravača: Matoruga Memsud,Dizdar Admir,Ognjen Šehić.

III CIJENA I NAČIN PLAĆANJA

Član 4.

(1) Ukupna cijena ugovorenih usluga iznosi **15.438,02 KM** (Slovima: petnaesthiljadačetiristotinetridesetosam i 02/100 konvertibilnih maraka).

(2) Visina mjesečne premije osiguranja iznosi **1.286,01 KM** (Slovima: jednahiljadadvjestotineosamdesetšest i 501/100 konvertibilnih maraka).

(3) Osiguravač će fakture ispostavljati po izvršenju konkretne ugovorene usluge.

(4) Osiguravač će vršiti obračun osiguranog slučaja odnosno štete na osnovu ugovorene premije tj. osigurane sume, bez učešća Osiguranika tj. bez franšize, kako je to navedeno u tenderskoj dokumentaciji od 21.02.2019. godine, koja je sastavni dio ovog Ugovora.

Član 5.

Osnovica za obračun i isplatu osiguranog slučaja je suma osiguranja utvrđena za taj osigurani slučaj. Isplata šteta odnosno iznosa za osigurani slučaj vrši se u punom iznosu za cijelo vrijeme trajanja ovog Ugovora odnosno police osiguranja, i to u roku od 14 (četnaest) dana od dana prijave nastanka osiguranog slučaja u kojem roku je Osiguravač obavezan da riješi postupak osiguranog slučaja.

Član 6.

(1) U postupku obračuna štete i osiguranog slučaja Osiguravač prihvata cijene rada mehanizacije i cijene rada radnika Osiguranika shodno važećem cjenovniku Osiguranika.

(2) Plaćanje Osiguravaču će se vršiti u 12 jednakih mjesečnih rata, premija osiguranja od automobilske odgovornosti (AO) će biti plaćena u cijelosti u roku od 30 dana po prijemu računa.

(3) Osiguravač će fakture ispostavljati po izvršenju konkretne ugovorene usluge.

Član 7.

(1) Osiguranik je obavezan u roku od 3 (tri) dana od momenta saznanja za štetni događaj obavijestiti osiguravača putem telefona/faxa ili e-maila i slično, a nakon usmene obavijesti dužan je što prije, a najkasnije u roku od 3 (tri) dana i pismeno potvrditi prijavu. Kao dan prijema obavještenja odnosno prijave smatra se dan kada je osiguravač primio obavijest odnosno prijavu, a ako je ista upućeno putem pošte onda se kao dan prijema smatra dan predaje pošti.

(2) Po prijemu prijave iz prethodnog stava Osiguravač je dužan odmah a najkasnije u roku od 24 sata da pristupi utvrđivanju i procjeni štete, u suprotnom slučaju osiguranik može početi otklanjati štetu s tim da će sam utvrditi uzrok nastanka osiguranog slučaja i obim oštećenja.

(3) Osiguranik može i prije isteka roka iz prethodnog stava početi otklanjati štetu, ako je to potrebno radi nastavljanje normalne aktivnosti.

(4) Osiguravač se obavezuje da će Osiguraniku, u roku od 1 (jednog) dana, nakon utvrđene štete, dostaviti prijedlog sporazuma o isplati štete. Usaglašeni tekst sporazuma iz prethodnog stava potpisuju Osiguravač i Osiguranik.

IV ROK IZVRŠENJA

Član 8.

(1) Osiguravač je u obavezi da isplati naknadu štete u roku od 14 dana, od dana prijave štete i dostavljanja kompletne dokumentacije.

(2) Osiguravač je u obavezi da prilikom zaključenja ugovora Osiguraniku dostavi spisak potrebne dokumentacije za prijavu štete. Ostali dokumenti koje Osiguravač naknadno zatraži pored dostavljenog spiska iz prethodnog stava, smatraće se dodatnom dokumentacijom i neće biti uzrok za produženje roka od 14 dana od dana prijave štete.

(3) Osiguravač je u obavezi da nakon svake izvršene likvidacije štete, dostavi jedan primjerak obračuna naknade na adresu Osiguraniku.

V STUPANJE NA SNAGU I RJEŠAVANJE SPOROVA

Član 9.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana, a zaključuje se na period od 12 (dvanaest) mjeseci.

(2) U toku ugovornog perioda osiguranja, Osiguravač ne može mijenjati uslove osiguranja, tablicu za određivanje postupka gubitka invaliditeta, osnovu za obračun utvrđenog invaliditeta, niti mijenjati cijene (premiju osiguranja) obračunate u ovoj ponudi.

(3) Isplata odštete nastalih osiguranih slučajeva vršit će se na račun Osiguranika izuzev isplate štete osiguranja radnika Osiguranika koja se može isplatiti na račun oštećenog radnika uz obavijest da je ista isplaćena i u kojem iznosu.

(4) U slučaju kašnjenja u isporuci usluga, do kojeg je došlo krivicom Osiguravača, isti će platiti ugovornu kaznu u skladu sa Zakonom o obligacionim odnosima u iznosu od 1 % Osiguraniku (vrijednosti ugovorenih usluga) za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupne ugovorene vrijednosti predmetnih usluga. Osiguravač je dužan platiti ugovornu kaznu u roku od 7 dana od dana primanja zahtjeva za plaćanje od strane Osiguranika.

(5) Opšti i posebni uslovi osiguranja sastavni su dio ovog Ugovora, koje će osiguravač dostaviti osiguraniku po potpisivanju ovog Ugovora, kao i obrasce prijave osiguranog slučaja.

Član 10.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 11.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 12.

Osiguravač nema pravo da, u svrhu izvršenja ovog Ugovora, zapošljava fizičke ili pravne osobe koje su bile uključene u pripremu tenderske dokumentacije ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 13.

Za sve što nije regulirano ovim Ugovorom primjenjivaće se odredbe pozitivnih propisa kojima se reguliraju Zakon o obligacionim odnosi u Bosni i Hercegovini.

Član 14.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 15.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Osiguravača

Za Osiguranika

Arif Kulić, direktor

mr. sci. Nevres Alispahić, direktor

Datum: _____2019. godine

Datum: 01.04.2019. godine

Broj:

Broj: 972/19